

Génesis 1.1-2

Ja yora cujlaji ja satq'uinali, ja Diosi sc'ulan ja satq'uinali soc ja luumi. Pero ja ora jahui, jel to ni q'uic' juntiroa. Eso sí, ja luumi ti xa ni aya pero puro ni ja' but'el ja ba sat ja luumi, jaxa Yespíritu ja Diosi, ti ni ay ec' ja ba sat ja jai.

Génesis 1.3-5

Ti yala ja Diosi que oj ajyuc ja sacal q'uinali jayuj ti sacbi ja q'uinala. Yajni yila ja Diosi que ja sacal q'uinali jel tzamal cani, ti ya sbiiluc c'au ja sacal q'uinali, jaxa q'uiq'uinali ya sbiiluc acual. Jach sc'ulan ja sbajtanil c'au ja Diosi.

Génesis 1.6-8

Jaxa ba xchabil c'au, yajni yila ja Diosi que jel coel ja ba satja' ja asoni, ti yala que oj q'ueuc mas chaan ja asoni. Quechan ch'ac yal ja Dios ja jastal jahui, ti q'ue huego ba nalanchaan ja asoni. Jach sc'ulan ja ba xchabil c'au ja Diosi.

Génesis 1.9-13

Ti yala ja Diosi que a spil sbaj ja ja' jau but'el ba spetzanil ja mundo paraque ja luumi oj can taquin y jayuj jach sc'ulan. Jayuj ja Diosi ya sbiiluc luum ja ba can taquini, jaxa jai ya sbiiluc mar. Ti yila ja Diosi que jel lec ja yateli.

Jaxa mas tzaani ja Diosi ti yala que a q'uiuc ja sbaal ja luumi ja ba ay sbaq'ui ba oj pojxuc mas. Ja te' ba huax ajyi ja sati, a ajyuc sat, chican jas tiq'ueil ja yintili. Ja te' jumasa, jun ita ni ja sat oj ajyuc tola vida. Y jach ni sc'ulana. Ti yila ja Diosi que jel tzamal ja yatel sc'ulani. Jach sc'ulan ja ba yoxil c'au.

“Las Sagradas Escrituras para todos”

Publicado por
LIGA DEL SEMBRADOR, A.C.
Y
LIGA BIBLICA MUNDIAL DEL HOGAR
Apartado 14-351
07810 México, D.F.

primera edición

Libro de Génesis

en tojolabal
y en español
México, D.F.
1982

82-019

5C